



Gradonačelnik

Broj: 07- 1405 /26
Datum: 20. 04 .2026. godine

Na osnovu člana 37 Statuta Grada Srebrenik ("Službeni glasnik Grada Srebrenik", broj: 1/24), Odluke o budžetu Grada Srebrenik za 2026. godinu ("Službeni glasnik Grada Srebrenik", broj: 1/26), te Programa utroška sredstava s kriterijima raspodjele sredstava, transfera i subvencija utvrđenih Budžetom Grada Srebrenik za 2026. godinu Službe za boračko-invalidsku zaštitu i društvene djelatnosti Grada Srebrenik, Gradonačelnik Grada Srebrenik raspisuje:

JAVNI POZIV

Za izbor organizacije koja će realizovati projekat sportsko-edukativnih aktivnosti za djecu do 16 godina, kao i organizaciju „Dana sporta“ i muzičkog koncerta povodom Dana Grada Srebrenik.

I

Raspisuje se Javni poziv za **Za izbor organizacije koja će realizovati projekat sportsko-edukativnih aktivnosti za djecu do 16 godina, kao i organizaciju „Dana sporta“ i koncerta povodom Dana Grada Srebrenik.**

II

Finansiranje organizacije izabrane putem ovog javnog poziva planirano je sa budžetske pozicije 614311 – 46 Sportske igre mladih. Grad Srebrenik zadržava pravo da ne dodijeli sva raspoloživa finansijska sredstva u slučaju da projektni prijedlog po javnom pozivu ne ispunji sve zadane kriterije.

III

Uslovi za korištenje sredstava iz budžeta Grada Srebrenika su da je projekat namijenjen građanima Grada Srebrenik, da se implementira na području Srebrenika i da će se implementirati tokom 2026. godine.

IV

Uslovi za učešće i kriteriji za izbor organizacije

Organizacije koje apliciraju na Javni poziv moraju ispunjavati sljedeće **opšte i specifične uslove**, te dodatne kriterije:

Opšti uslovi

- Organizacija mora biti registrovana kao nevladina organizacija ili sportsko udruženje u Bosni i Hercegovini.
- Sjedište organizacije ili dokazano aktivno djelovanje mora biti na području Grada Srebrenik.
- Organizacija mora imati prethodno iskustvo u radu sa djecom i mladima u sportskom i/ili edukativnom kontekstu, što se dokazuje putem prethodno realizovanih projekata, izvještaja, fotografija, preporuka i slično.

Specifični kriteriji vezani za program

- Program mora uključivati djecu i mlade sa područja Srebrenika i omogućiti im učešće u različitim sportskim disciplinama kroz organizovana takmičenja.
- Takmičenja trebaju imati regionalni i lokalni karakter, ali uz elemente državnog i međunarodnog nivoa.
- Neophodno je planirati i realizovati najmanje jednu edukativnu radionicu.
- Sve aktivnosti moraju biti u potpunosti besplatne za djecu učesnike.
- Ciljna grupa svih planiranih aktivnosti su djeca uzrasta do 16 godina.

Dodatni kriteriji

- Prednost će imati organizacije koje aktivno uključuju djecu iz ranjivih i marginalizovanih grupa, uključujući djecu s invaliditetom, djecu iz ruralnih područja te djecu iz socijalno ugroženih porodica.
- Prednost će imati programi koji obuhvataju veći broj sportskih disciplina, promovišu inkluziju, timski duh i podstiču razvoj zdravih stilova života kod djece i mladih.

V

Udruženja i organizacije koje apliciraju na Javni poziv treba da dostave sljedeću dokumentaciju:

1. Jedinstven aplikacioni obrazac sa nazivom projekta;
2. Prijedlog projektne aktivnosti sa:
 - pregledom budžeta projekta i narativnim dijelom,
 - planom aktivnosti realizacije projekta,
 - planom potrošnje finansijskih sredstava;
3. Rješenje o registraciji za aplikanta i za partnere, ukoliko postoje;
4. Identifikacioni broj (ID broj);
5. Podaci o licu ovlaštenom za zastupanje;
6. Opisni izvještaj o realizovanim projektima u prethodnoj godini;
7. Završni godišnji finansijski izvještaj za prošlu godinu (bilans stanja i uspjeha);
8. Podaci o osobama koje realizuju projekat;
9. Dokaze o:
 - Iskustvu u radu sa djecom i mladima u sportskom ili edukativnom kontekstu;
 - Kvalitetu i raznolikosti sportskih aktivnosti;
 - Uključenosti edukativne komponente;
 - Uključenosti državnog i međunarodnog nivoa takmičenja;
 - Jasno prikazanoj besplatnoj dostupnosti aktivnosti;
 - Logističkim kapacitetima i timu za realizaciju;
 - Partnerstvima i saradnji s lokalnim institucijama.

VI

Izabrana organizacija biće odgovorna za realizaciju sljedećih aktivnosti i događaja, koji uključuju:

1. **Organizacija manifestacije „Dan Sporta“:** Organizovati manifestaciju „Dan Sporta“ na gradskom trgu ili drugoj prethodno dogovorenoj lokaciji.
2. **Angažovanje muzičkog izvođača:** Angažovati muzičkog izvođača za Dan Grada, pri čemu će biti angažovana regionalna zvijezda zabavne muzike.
3. **Angažovanje voditelja:** Angažovati voditelja za vođenje cjelokupnog eventa.
4. **Angažovanje radnih grupa za pripremu lokacije:** Angažovati radne grupe za pripremu i prilagođavanje lokacije za organizaciju događaja.
5. **Organizacija sportskih takmičenja:** Organizovati tim za realizaciju sportskih takmičenja, uključujući koordinatora, sudije, voditelje sportova i medicinsko osoblje.
6. **Organizacija vatrometa:** Angažovati i organizovati vatromet tokom večernjeg koncerta.
7. **Obezbjedenje pića za takmičare:** Obavezati se za obezbjeđenje pića za sve takmičare tokom trajanja manifestacije.
8. **Obezbjedenje troškova za takmičare na finalu:** Obezbijediti troškove za takmičare na finalu sportskih igara.
9. **Obezbjedenje noćenja i ishrane za takmičare:** Obezbijediti noćenje i ishranu takmičara tokom finala.
10. **Obezbjedenje prevoza za takmičare:** Obezbijediti troškove prevoza takmičara na finalna takmičenja.
11. **Obezbjedenje nagrada:** Obavezati se za obezbjeđenje medalja, lopti, majica i akreditacija za sve nivoa takmičenja.
12. **Snimanje i produkcija emisije:** Obezbijediti snimanje i produkciju specijalizirane emisije o svim događajima, uključujući izjave zvaničnika.
13. **Promocija događaja:** Obezbijediti promociju svih događaja, kako na lokalnom, tako i na regionalnom nivou.
14. **Angažovanje agencije za obezbjeđenje:** Angažovati agenciju za obezbjeđenje takmičenja, Dana sporta i koncerta.
15. **Tehnička produkcija:** Obezbijediti tehničku produkciju, uključujući razglas, rasvjetu, bina i tehničare za razglas i rasvjetu tokom večernjeg koncerta.
16. **Troškovi vezani za koncert:** Obezbijediti sve troškove vezane za koncert, uključujući ugovor, prijavu pjesama RAK-u i AMUS-u.

VII

Organizacije i udruženja imaju pravo na ovaj Javni poziv prijaviti jedan projektni prijedlog koji će obuhvatiti sve gore navedene aktivnosti.

VIII

Ocjenjivanje i izbor projektnih / programskih aktivnosti vrši Komisija koju imenuje Gradonačelnik. Komisija se sastoji od 3 (tri) člana. Prilikom vrednovanja Komisija će u skladu sa članom IX ovog javnog poziva izvršiti vrednovanje svih pristiglih projektnih prijedloga koji ispunjavaju uslove ovog javnog poziva. Komisija zadržava pravo da traži od aplikanta da izvrši korekciju budžeta predloženog projekta ukoliko utvrdi da je isti nerealno postavljen i da su troškovi projektnih aktivnosti veći od stvarnih.

IX

Prijave pristigle na Javni poziv ocjenjivat će komisija na osnovu sljedećih kriterija:

- **Iskustvo u radu sa djecom i mladima (do 20 bodova):** Organizacije sa dokumentovanim iskustvom u sprovođenju aktivnosti s djecom i mladima u sportskom ili edukativnom kontekstu ostvaruju više bodova.
- **Kvalitet i raznolikost sportskih aktivnosti (do 20 bodova):** Ocjenjuje se broj i raznolikost sportova koje će biti obuhvaćeni, kao i kvalitet planiranih takmičenja.
- **Uključenost edukativne komponente (do 15 bodova):** Organizacije koje uz sportske sadržaje nude i kvalitetne edukativne radionice imaju prednost.
- **Uključenost državnog i međunarodnog nivoa takmičenja (do 15 bodova):** Više bodova se dodjeljuje za planirane nastupe ili učesća na višim nivoima takmičenja.
- **Jasno prikazana besplatna dostupnost aktivnosti (do 10 bodova):** U potpunosti besplatni programi za djecu, bez skrivenih troškova, donose maksimalan broj bodova.
- **Logistički kapaciteti i tim za realizaciju (do 10 bodova):** Vrednuje se kapacitet organizacije da logistički i kadrovski iznese planirane aktivnosti.
- **Partnerstva i saradnja s lokalnim institucijama (do 10 bodova):** Organizacije koje sarađuju s lokalnim školama, klubovima i institucijama imaju prednost.

Ukupan maksimalan broj bodova: 100 bodova.

X

Dokumentacija za prijavu na Javni poziv se može preuzeti od dana otvaranja javnog poziva u Službi za boračko invalidsku zaštitu i društvene djelatnosti Grada Srebrenik. Sva dokumentacija u elektronskoj verziji može se preuzeti sa web stranici Grada Srebrenik (www.srebrenik.ba).

Javni poziv ostaje otvoren 7 dana od dana objavljivanja. Prijave na javni poziv sa potrebnom dokumentacijom se dostavljaju u zatvorenoj koverti preporučenom pošiljkom ili lično na pisarnici Grada Srebrenik sa obaveznom naznakom - Za javni poziv za Dan sporta „Ne otvaraj prije zvaničnog otvaranja“, na sljedeću adresu:

GRAD SREBRENİK
Služba za boračko invalidsku zaštitu i društvene djelatnosti
Ul. Ibrahima Salihovića bb
75350 Srebrenik

Projektni prijedlozi koji ne budu dostavljeni u propisanoj formi, koji ne budu kompletni i blagovremeni neće se uzeti u razmatranje.

Gradonačelnik
Adnan Bjelić

